

AKASHVANI AIZAWL

REGIONAL NEWS BULLETIN

HEADLINES (EVENING)

1.
1. Sorkar laipuiin GST chhiah a tih hniamna, GST 2.0 chu vawiin atangin ram pum rualin Mizoramah pawh a taka hman tan a ni a, thil leitu mipuite chuan GST rate thar hi an chhawr tangakai hle dawna an hriat thu an sawi.
2.
- Central Bureau of Communication chuan Swachhata Hi Seva pualin Luangmual Presbyterian English Schoolah Special Outreach Programme a buatsaih.
3.
- Prime Minister Narendra Modia chuan vawiin khan Arunachal Pradesh ah hmasawna hnathawh cheng vaibelchhe 5100 hu a hawng.
4.
- Vawiin atangin ni 9 aw h tur Navrati kut hman tan a ni.



GST REFORMS

Sorkar laipuiin GST chhiah a tih hniamna, GST 2.0 chu vawiin atangin ram pum rualin Mizoramah pawh a taka hman tan a ni a, thil leitu mipuite chuan GST rate thar hi an chhawr tangakai hle dawna an hriat thu an sawi.

Akashvani Aizawl chuan vawiin atanga a taka hman tan GST 2.0 chungchangah hian thil leitu mi thenkhat a kawm kual a, zawhna chhangtute chuan GST chhiah tih hniam a ni chu lawmawm an tih thu an sawi a, Pu Krawspara chuan tunhmaa nitin mamawh Sahbawn, Toothpaste, Chhang, Chips leh bawngnhute atanga thil siamchhuahah te GST zaa 12 atanga zaa 18 lak thin chu zaa 5 ah a tlakhniam tak vek avangin a man tlawm phah dawn lo mahse a sahbawn a kha an rawn ti lian tawh dawn tih company thenkhat sawi a hriat thu leh tunhmaa Car leh Electronic item hrang hrang te pawh a man tla hniam dawrh a, Health Insurance leh Life Insurance a GST chawi thin te pawh engmah chawi ngai lova an rawn siam ta chu lawmawm a tih thu sawiin, hei hi mipui nawlpui chuan an hman tangakai hle dawn a a hriat thu a sawi.

Zorinpui chuan nitin mamawh man tlawm zawka lei theih a nih tawh dawn avangin lawmawm a tih thu a sawi a, hei hian chhungkaw nawlpui dinhmun a siamtha ang a, Mizoram bakah ram pumah nghawng tha zawk a neih a rin thu a sawi a, mipuite chuan GST rate thar hnuiaia thil man tih tlawm te chu zirchiangin, a man tlawm ang chuan an lei reng em tih chik se tha a tih thu a sawi bawka a ni.

Byte: Zorinpuii

Prime Minister Narendra Modi-a'n Diwali puala ram mipuite hnena thilpek a hlan GST 2.0-ah hian nitin mamawh sabon atanga ha-siai te, damdawi pawimawh life-saving drugs, car tenau, lirthei kehnih nei, TV, AC, insakna hmanrua cement leh loneihna lama hmanraw pawimawh tak tak man te chu a tlahniam a, Akashvani Aizawl-in a kawmnaah State Tax Commissioner Pu HK Lalhawngliana chuan GST rate thar hnuaia rate tihhniam tawh, man to a la zuarte chu Anti-Profiteering measures dan hmangin hrem theih an nih thu sawiin, mipuite chu an dikna chanvo hre tur leh GST-a inziak lut dawrkaite hnena an thil leite chu cash memo chauh ni lovin tax invoice dil tel thin turin a chah a ni.

BYTE

Sorkar laipuiin GST lak dan thar a siam hi Lungleiah pawh a tha zawngin nghawng a nei nghal tih kan corr chuan a sawi a,.

Bawnghnute hmana thil siam hrang hrang pechhawngtu agent lian Pi Jennyfer-i LZ Trader chuan vawiinah Bill cut hman chiah lo mahse a hma a an lo lak tawh pawh GST hniam ang hian an kalpui nghal dawn tih a sawi a. Bawnghnute product hi zaa 5 a a hniam avangin Amul Gold Case 1 Rs 950 ni thin chu Rs 905 velah a tlahniam ang a, chutiang zat chuan Wholesale dawrah pek a ni ang a ti. Zuarchhawngtu Wholesaller te hian mipui hnenah an hralh tlawm ve dawn em tih chu a pawimawh lai tak a ni tih sawiin anni Agent chuan a man an tihhniam nghal a, mipuiin an thil leina an lo chik ve a ngai a ni a ti. GST hniam hma a an lo chah thlen tawh pawh nise Input Tax Credit hmangin Tax hniamna hi a Claim theih tho a, thil chiangsa reng leh langtlanganih vangin Tax hniam anga hralh chhuah chu tih makmawh a ni a ti.

Hetihlai hian Lirthei lamah chuan nidang aiin agent-ah Booking ti leh Motor man tlawm dan ngaihven an tam hle ni a thu dawn a ni a. CK Hyundai, Zotlang Lungleiah chuan Tax lakna a hniam dawn tih hriat vangin Motor leitur Booking an pung chho nghal a, booking tih tum, chanchin ngaihven pawh an ngah hle tih an sawi.

Mahindra Show room, Lungleiah pawh vawiin khan Booking ti mi 5 an awm a, nikhatah hetiang zat Lungleiah Booking ti an la awm ngailo tih sawiin GST lakna hniam chu lawmawm an tih thu an sawi. Booking ti bakah chanchin ngaihven a dawr a kal leh Phone call an dawng tam hle a, naktuk lamah Booking ti tur an awm leh nual an ring a ni. Hemi hma lam khan Company hian Offer a lo siam ve hrim hrim a, mahse GST hniam hun nghak an awm a, chung ho chuan hun tha hi bawhpelh an tum lo hle ni a hriat thu an sawi a ni.

Mana Motor, Lunglei Ramtharah pawh vawiin khan Booking ti mi 5 an awm tih an sawi a, vawiin khan Customer an pung tih sawiin naktuk lam a ngaihven tum leh te pawh an awm nawk tih an sawi a, Inrinni khan mi 47 vel chuan Booking an ti tih an sawi bawk.

<><><>

BJP PRESIDENT

BJP Mizoram President Dr K Beichhua chuan Dampa bial by-electionah BJP thlan tlin a nih chuan Dampa leh Delhi inzawm tir an tum tih a sawi.

He thu hi vawiina BJP Mizoram State Office, Aizawla chhung inkhawm an hmanna Dampa bye-Election lo awm tura an party candidate tur a puannaah sawiin, BJP Mizoram President Dr. K Beichhua chuan Dampa bial inthlan ah BJP thlan tlin a nih chuan Dampa leh Delhi inzawm tir an tum tih sawiin, Siaha bial chuan Delhi nena inzawm mek an ni tih sawiin Politics chik mite chuan Siaha mipuiten an tih fuh zia an sawi thin a ti a, Union Minister te chuan Mizorama BJP MLA pahnih, Dr K Beichhua leh Pu K Hrahmo te chu an hmingin an ko thei vek tawh niin a sawi bawk a ni.

Byte: Dr. K. Beichhua

Dampa bial by-election lo awm tura BJP candidate Pu Lalhmingthanga pawhin thu sawiin, mi thenkhat chuan pawisa a duh avangin Congress leh BJP ah a lut tiin puh mah se, Pathianin thu dik tak a hria a ti a, Dampa Bial by-election candidate zingah amah aia an bial hmangaihtu an awm lo tih sawiin BJP Candidate atana an hotuten an ruat chu Pathian remruatna ni a a hriat thu leh lungawi taka a pawm thu a sawi a ni.

<><><>

SWACHHATA HI SEVA

Ministry of Information and Broadcasting hnuaia Central Bureau of Communication (CBC) chuan Swachhata Hi Seva pualin Presbyterian English School, Luangmual Pastorate-ah zirlaite leh tualchhung mite hnena faina, mipui mawhphurhna, leh boruak leh leilung humhalh chungchanga inhrilhriatna Special Outreach Programme a buatsaih.

He hunah hian CBC Field Office In-charge, Lalginlen Lhouvum chuan thupui 'Swachhotsav' tih hmang a thusawiin, Swachhata Hi Seva chu faina leh khawtlang rawngbawl na rilru pu a hmalakna a ni a ti a, he huna kalkhawmte chu an chenna chhehvel thianghlim taka vawng reng tur te, hriselna leh boruak tihmasawn tur te, ram leh hnam hmasawna atana thawhhlawk zawk tura intiam turin a chah a. Khuallian, Presbyterian English School, Luangmual Pastorate Principal Pi Zotluangpuui Sailung pawhin thusawiin, faina chu mawhphurhna chauh ni lovin nunna atana pawimawh tak a nih thu a sawi a, faina lama ram pum hmalakna kawngah an zirlaite tha an thawh ve chu an chhuang hle tih a sawi a ni. He hunah hian Resource Person, Miss Lalsangpuui pawhin thu sawiin, India hnampa Mahatma Gandhi-a thusawi lar tak chu "Fai hi Pathian an na a ni" a ti a, he program hi Mahatma Gandhi piancham Gandhi Jayanti nena inzawm a nih thu sawiin, faina chu nunphung mai ni lovin ram leh hnam tana thil hlut tak a nih thu a sawi bawk a ni.

<><><>

MZP

MZP President thar Dr. C. Lalremruata chuan kum 2025-2027 ah chuan Mizo Zirlai Pawl an nih angin zirna leh a kaihhnawih an ngaih pawimawh hmasak ber dawn a ti a, Mizoram chu kum 15 chhung zia leh chhiar tam ber state ni tawh mah se central service a in zia tling pakhatmah an awm lo a, zia leh chhiar thiam ringawt chu hmasawna a ni lova, thiamna tak tak nei zirlai lehkhathiam hmantlak an awm theih nan hma an la dawn a ti

Vawiina MZP Conference Hall-a OB charge an inhlannaah MZP President thar Dr. C. Lalremruata hian thusawiin, Mizo zirlai zawng zawngte hman theih turin student aid fund siam an tum a ti a, zirlaiten an zir zawha company hrang hranga hna an hmuh theih nan Mizorama a vawikhatna atan placement agency te nen thawk hova hmalak an tum a ti a. Mizo zirlai ten nu leh pate thawhchhuah chauh ringa zirna chhunzawm lova Mizoram sorkar leh India sorkar bakah Foreign University hnuaia scholarship hrang hrang awm te hmanga zirna an chhunzawm theih nan hmalak a ni dawn a ti a, MZP chu zirlaite tana innghahna tlak a nih theihna tura thawh ho puiah a member puite a sawm a ni.

Byte: Dr. C. Lalremruata

Tun thla September ni 3-a MZP Assembly vawi 65-na neih zawh taka MZP Vice President atana thlan Sanghmingthanga, General Secretary atana thlan C Lalhminganga, Asst secretary atana thlan Lalentlinga, Treasurer atana thla Rothanliana leh Financial Secretary atan thlan Nangsawmthanga te pawhin vawiin hian charge an la nghal a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM IN ARUNACHAL PRADESH

Prime Minister Narendra Modia chuan vawiin khan Arunachal Pradesh ah hmasawna hnathawh cheng vaibelchhe 5100 hu a hawng. Thusawiin Pu Modia chuan Arunachal Pradesh hi ramchhunga energy siamchhuah kawngah leh hmasawna lamah a hmahruaitu anih thu a sawi a. Itanagar-a Indira Park-ah he thu hi sawiin Pu Modia chuan Arunachal chu ni chhuahna ram mai ni loin hnam hmangaihtu tak takte chenna a nih thu a sawi.

Vawiina Prime Ministerin a hawn zingah hain Shi Yomi district-a hydropower project pahnih leh Tawang-a convention centre sakna tur te a tel a ni.

<><><>

NAVRATI

Vawiin atangin ni 9 awh tur Navrati kut hman tan a ni a. He hunah hian Hindu te pathiannu Durga pualin hun hman thin a ni a. A ni kuanaah Dussehra hmangin khar thin a ni.

Prime Minister Narendra Modia chuan Navrati pualin mipuite chibai a buk a. Vawiin Navrati tan niah GST thar hman tan nih thu sawiin mipuiten mahni tualchhung thilsiam lei kawngah phurna thar an neih a beisei thu a sawi a ni.

<><><>

VAISHNAW ON GST

Union information and Broadcasting Minister Ashwini Vaishnaw chuan Prime Minister Narendra Modian thutlukna chhinchhiahtlak tak siamin GST chhiah lak dan a ti tlem tih a sawi a. Hei hian chhungkaw tinte tan sum khawl a ti pung dawn a ti a. Vawiina New Delhi-a Chainchinbumite kawmin Pu Vaishnaw chuan mipuite chu ramchhugna thilsiamte lei uar turin a ngen a. Sawrkar chhiah lak dan thar chu dawrkarite leh thil leituten an lawm hle tih a sawi bawk a ni.

<><><>

SEVA PARV

Mipui rawngbawl leh sawrkar inrelbawlna tha thupaia neiin Prime Minister Narendra Modia hnuaiah ramchhungah hmasawwna tam tak thlen mek a ni. Tun tum Seva Parv hunah chuan Modia sawrkarin khawpui tihhmasawwna tur leh inkalpawhna tha siam tura hma a laknate tarlang ila. Ramchhung khawpui hrang hrangah Housing for All hmalakna hmangin chenna in neilote tan in sak sak a ni a. Hei bakah hain khawpui liana metro te pawh tihchangtlun chhoh mek a ni bawk. Khawpuia cheng mi tam takin Metro hi an hlawkpui em em a. PM Modia chuan India hi khawvela metro network lian pathumna a nih tawh thu a puang nghe nghe a ni. Pu Modia chuan kum 2012 hma kha chuan ramchhunga metro route chu km 250 chauh a ni a, tunah chuan km 1000 chuang anih tawh thu a sawi.

<><><>